

Uunga siunnersuut: Illuliorititernernut aningaasalersuineq pillugu Inatsisartut peqqussutaata allanngortinneqarneranik Inatsisartut peqqussutaat nr. xx. xxxx. 2009-meersoq

(Attartortup inatsisitigut pisinnaatitaasunut attartortitsinerani pisortanit taarsigassarsilluni illuni attartortitsinerami akiliutissap naatsorsornerani najoqqutassat)
(Inatsisartunut ilaasortaq Olga Poulsen Berthelsen, Inuit Ataqtigiit)

pillugu

Attaveqaqtigiinnermut Ineqarnermullu Ataatsimiititaliap

ISUMALIUTISSIISUTAA

Aalajangiiffigisassatut siunnersuutip aappassaaneerneqarnerani saqqummiunneqartoq

Ataatsimiititaliaq kingullermik suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq

Inatsisartunut ilaasortaq Olga P. Berthelsen, Inuit Ataqtigiit, siulittaasup tullia

Inatsisartunut ilaasortaq Anders Olsen, Inuit Ataqtigiit

Inatsisartunut ilaasortaq Kim Kielsen, Siumut

Inatsisartunut ilaasortaq Akitsinnguaq Olsen, Siumut

Siullermeerinerup kingorna siunnersuut ataatsimiititaliap peqqissaartumik naliliivigaa makku-ninngalu oqaaseqaateqarnarluni:

Siunnersuutip tunuliaqutaa imarisaalu

Illuliortiternermut aningaasalersuineq pillugu Inatsisartut peqqussutaat naapertorlugu aalajangersarneqarpoq pisortanit taarsigassarsiaasut nutaanik illuliornerni tapiissutigineqartut akilerneqarneqartussaapput taarsigassarsisimasup illu attartortippagu piumasaqaatit Inatsisartut inimut attartortitsinermut peqqussutaannut akerliusumik iliuuseqarneranut. Attartornerli pillugu peqqussummi aalajangersagaq taanna taamaallaat atuuppoq attartortut inuinnaappat. Siunnersuuteqartup siunnersuuteqarnermigut kissaatigaa aalajangersagaq taanna aamma atorneqassasoq attartortoq inatsisitigoortumik piginnaatinneqartumut, assersuutigalugu aktiaateqarluni ingerlatseqatigiiffimmut imaluunniit oqartussaasunut.

Siunnersuuteqartup kissaatigaa siunnersuutip kingunerisaanik pisortanit tapiiffigineqarluni illuliortitsinermi tapiissutit akileqquneqarnerinik, akiliutigineqartussap naatsorsornerani qummut akiliutaasusaa qaangerneqarsimappat, soorlu attartorneq pillugu peqqussummi najoqqutarineqartut assigalugit attartortoq inuinnaappat. Tamanna atuutissaaq attartortitsineq attartorneq pillugu peqqussummi ilaatinneqarnerisooq apeqqutaatinnagu, taamaalillunilu aamma atuutissalluni inissiaq inatsisitigoortumik piginnaatinneqartumut attartortinneqarpat.

Tusarniaaneq

Siunnersuutip saqqummiunneqannginnermini pisortanut kattuffinnullu il.il. tusarniaasoqarsimannngimmat aappassaaneerisoqartinnagu pisortanut kattuffinnullu il.il. attuumassuteqartunut tusarniaasoqarnissaa siunnersuuteqartup siunnersuutigaa, taamaalilluni tusarniaanermi akissutigineqartut ataatsimiititaliap suliarinninnermini ilanngussinnaaniassammagit.

Tusarniaanermi illuatungeriinnit ineqarnermut akiliutip annertunerpaaffissap naatsorsorneqartarneranut ilitsersuut ersarissoq kissaatigineqartoq pingaarnertut sammineqarluni tusarniaanermi akissutigineqartumi ilanngussami allassimavoq. Assersuutigalugu allassimavoq ineqarnermut akiliutip annertunerpaaffissaata naatsorsorneqartarneranut maanna ilitsersuutaasoq ersarissaarneqanngippat attartortitsisut, attartortut taarsigassarsisitsisartullu attartortitsinermi akigititap qanoq annertutigisumik naatsorsorneqarsinnaanersut nalornissutigissagaat. Ineqarnermut tunngasuni taama nalornisoqarnerata kingunerisaanik akiligassarsisitsisarfiit aningaaseriviillu taarsigassarsisitsisarnerminnik killillersuilersinnaanerat naatsorsuutigineqartariaqartoq, tamatumanilu ineqarnikkut maanna pissutsit nutaanillu sanaartornerit annertuumik sunnerneqassapput.

Tusarniaanermi akissuteqaatit itisilertinneqarnissaat siunertaralugu tusarniarneqartut ilaannik Ataatsimiititaliaq ataatsimeeqateqarpoq. Siunnersuutip pineqartup akuersissutigineqarnissaa ajornartorsiuutissartaqanngitsutut isigineqarpoq. Piffissami sivikitsuarsuarmi ilimasaaruteqarluni allaffisornikkut allannguisoqarsinnaanerata ungasinnerusumut isigaluni aningaasa-

liinernut ajortumik sunniisinnanera pissutigalugu nalornisoorsinnaanerup killilernissaa imaluunniit peerneqarnissaa pingaartutut isigineqarpoq. Ataatsimiititaliap tamanna pingaaruteqartutut isigaa ajornartorsiutillu taassuma Naalakkersuisunit iliuuseqarfigeneqarnissaa kaammattuutigissallugu.

Siunnersuutip suliarineqarnera

Siunnersuutip Inatsisartuni siullermeerneqarnerani tamakkiisumik tapersorsorneqartoq ataatsimiititaliap maluginiarpa.

Siunnersuut tapersorsorneqassasoq Naalakkersuisut siullermeerinninnermi inassutigaat. Ineqarnermut akiliutinit aningaasartuutit tunngavigalugit aalajangersarneqarsimasunit qaffasinne-rusumik akeqartitsillutik inissianik iluanaarniuteqartartut siunnersuutikkut akornuserneqar-sinnaasut Naalakkersuisut naliliipput. Inissianik iluanaarniuteqartartut inissianik inatsisitigut pisussaataallutillu pisinnaatitaasunut qaffasissorujussuarmik akeqartitsillutik attartortitsisin-naanissaanut akornuserneqarpat inissianik pisariaqartitsinermut naleqquttunik sanaartornis-samut siunnersuut qulaajaassasoq Naalakkersuisut isumaqarput. Taamaalilluni utaqqiisaa-sumik inissiigallarnernut ineqarnermut akigititat qaffaseqisut appartinneqarsinnaasut aamma Naalakkersuisut naliliipput.

Apeqqutigineqartut tusarniaanermilu akissutigineqartuni ajornartorsiutit qaqinneqartut ataatsi-miititaliamit Naalakkersuisut qinnuigineqarput. Siunnersuutip ataatsimiititaliamit tapersorsor-neqarnissaanut tunngavilersuutigisaanut tusarniaanermi akissutigineqartut allanngortitsin-ngimmata siunnersuut pillugu ataatsimiititaliap isumaqatigiittup oqaatigissavaa. Inatsit 1. jan-uar 2010-mi atuutilersinneqassasoq siunnersuuteqartup siunnersuutigaa. Tamatuma kingune-risaanik atortuulernissaa pillugu aalajangersagaq allanngortinneqartariaqarpoq, taamaangip-pat inatsit kingumoortumik atortuulissammat. Taamaattumik ataatsimiititaliaq siunnersuum-mut allannguutissatut siunnersuuteqarpoq. Ataatsimiititaliap allannguutissatut siunnersuutaa iusumaliutissiissummut uunga ilanngunneqarpoq.

Tamanna tunngavigalugu allannguutissatut siunnersuut Inatsisartunit akuersissutigineqassasoq Ataatsimiititaliap isumaqatigiittup inassutigaa, taamaalilluni siunnersuut ilusimisut isikkoqartoq pingajussaaneerneqarnissaminut ingerlateqqinneqassaaq.

Taama oqaaseqarluni Attaveqaqatigiinnermut Ineqarnermullu Ataatsimiititaliap siunnersuut Inatsisartunut aappassaaniigassanngortippaa.

Justus Hansen,
Siulittaasoq
Demokraatit

Aqqaluaq B. Egede,
Inuit Ataqtigiit

Anders Olsen,
Inuit Ataqtigiit

Kim Kielsen,
Siumut

Akitsinnguaq Olsen,
Siumut